



GRADITELJSKA CJELINA - TVRĐAVA VRNOGRAČ U VRNOGRAČU (KOD VELIKE KLADUŠE)

02.12.2009. – 02.12.2022.

Ovaj grad nalazi se na vrhu Pehova brda, nad njegovom strmijom stranom u neposrednoj blizini sadašnjeg naselja. Prvi poznati vlasnik zemljišta oko Vrnograča bio je pleme Kreščića, čiji su preci dobili ova područja od ugarskog kralja Bele IV. Ovo pleme, uz pomoć i suglasnost kralja Vladislav, izgradilo je u drugoj polovini XV stoljeća Vrnograč i Podzvid. Kasnije je Vrnograč došao u posjed Zrinjskih, što su u gradu držali 100 konjanikakoje mu je plaćao kralj, a u gradu su se nalazila još 32 kraljeva vojnika.

Grad je imao oblik pravilnog četverokuta, s tri okrugle i jednom četvrtastom kulom na čoškovima. Na njega su se nadovezivali gradski bedemi s brojnim puškarnicama i tako su zatvarali poveliko dvorište, obor. Ulaz u gradski obor bio je sa istočne strane, gdje su se u bedemu nalazila vrata, a iznad njih mala karaula, koja je služila kao stražarnica. Godine 1580. Vrnograč je razorenpo nalogu austrijskog Ratnog vijeća.

Osmanske vlasti su ga popravile 1636. godine. Iznad samog ulaza na sljemenu gradskog zida bila je izgrađena drvena džamija za potrebe stalne vojne posade, koja jje bila podređena krupskom kapetanu. Ova posada je u prvoj polovini XVIII stoljeća brojala 100 graničara, a tvrđava je imala 2 veća i 2 manja topa.

Tekst i slike obradio: Igor Pečenkovic dipl.ecc.hot.

Izvori: JU „Zavod za zaštitu kulturnog naslijeđa Bihać“ popisni registar,“Stari gradovi Unsko-sanskog kantona“ Zavod za zaštitu kulturnog naslijeđa Bihać i Muzej Unsko-sanskog kantona,februar 2009, internet, <http://old.kons.gov.ba/>

